



საგარეო საეკლესიო კავშირების განყოფილება
მოსკოვის საპატრიარქო

სსკგ-ის თავმჯდომარემ მონაწილეობა მიიღო მოსკოვში ანტიოქიის მეტოქიონის სასაყდრო დღესასწაულში



სსკგ-ის კომუნიკაციის სამსახური, 26.07.2026. 2026 წლის 26 ივლისს მოსკოვში, ანტიოქიის მართლმადიდებელი ეკლესიის მეტოქიონში, მთავარანგელოზ გაბრიელის კრების სხენების დღესთან დაკავშირებით ზეიმით აღინიშნა საყდრის დღესასწაული.

მთავარანგელოზ გაბრიელის სახელობის ტაძარში საღვთო ლიტურგია აღავლინეს მოსკოვის საპატრიარქოს საგარეო საეკლესიო კავშირების განყოფილების თავმჯდომარემ, ვოლოკოლამსკის მიტროპოლიტმა ანტონიმ; ანტიოქიისა და სრულიად აღმოსავლეთის პატრიარქის წარმომადგენელმა მოსკოვისა და სრულიად რუსეთის პატრიარქთან, მეტოქიონის წინამძღვარმა, ფილიპოპოლის მიტროპოლიტმა ნიფონტიმ; ლიბანის მთების მიტროპოლიტმა სილუანემ; ზაჰლესა და ბაალბექის მიტროპოლიტმა ანტონიმ.

იერარქებს თანამსახურება გაუწიეს მოსკოვისა და სრულიად რუსეთის პატრიარქის წარმომადგენელმა დიდი ანტიოქიისა და სრულიად აღმოსავლეთის პატრიარქთან, არქიმანდრიტმა ფილიპემ (ვასილცევი); ზაჰლეს სამიტროპოლიტოს კლირიკოსმა, არქიმანდრიტმა იერემიამ (აზამი); წმინდა იოანე დამასკელის სახელობის თეოლოგიური უნივერსიტეტის დოცენტმა, არქიმანდრიტმა ქრიზოსტომმა (ელ-მეშერკი); ტაძრის კლირიკოსებმა.

საღვთო წირვაზე ასევე ლოცულობდნენ ბალამანდის უნივერსიტეტის (ანტიოქიის მართლმადიდებელი ეკლესია) სტუდენტთა ჯგუფი, რომელიც რუსეთში წინა დღით ჩამოვიდა მათთვის მოსკოვის საპატრიარქოს საგარეო საეკლესიო განყოფილების მიერ ორგანიზებულ საზაფხულო ინსტიტუტში მონაწილეობის მისღებად. ინსტიტუტის ფარგლებში დაგეგმილია რუსეთის მართლმადიდებელი ეკლესიის სასულიერო სკოლების, ტაძრებისა და მონასტრების მონახულება. დელეგაციას ხელმძღვანელობს წმინდა იოანე დამასკელის სახელობის ბალამანდის თეოლოგიური უნივერსიტეტის დოცენტი, არქიმანდრიტი ქრიზოსტომი (ელ-მეშერკი).

მრჩობლ კვერექსზე აღევლინა ლოცვა წმინდა რუსეთისთვის.

საგალობლების ნაწილი შესრულდა არაბულ ენაზე ბალამანდის უნივერსიტეტის სტუდენტური გუნდის მიერ.

ლიტურგიის დასრულების შემდეგ, ღია ცის ქვეშ, ტაძრის ეზოში, მთავარანგელოზ გაბრიელის პარაკლისი აღესრულა.

პარაკლისს ესწრებოდნენ ალბანეთის, ალჟირის, არაბთა ლიგის სახელმწიფოების, ავსტრალიის, ავსტრიის, ბაჰრეინის, ჩილეს, კოლუმბიის, ჩეხეთის, ეკვადორის, ეგვიპტის, ევროკავშირის, საბერძნეთის, ვატიკანის, ერაყის, იაპონიის, იორდანის, კორეის რესპუბლიკის, ქუვეითის, ლატვიის, ყაზახეთში ლიბანის საელჩოს, მაკედონიის, მექსიკის, მოლდოვის, ახალი ზელანდიის, პაკისტანის, პალესტინის, პერუს, პოლონეთის, პორტუგალიის, კატარის, რუმინეთის, საუდის არაბეთის, სლოვენიის, სუდანის, შვედეთის, შვეიცარიის, არაბთა გაერთიანებული საემიროების, დიდი ბრიტანეთის, აშშ-სა და იემენის დიპლომატიური მისიების ხელმძღვანელები და წარმომადგენლები.

დამსწრეებს შორის ასევე იყო სახელმწიფო სათათბიროს ქონების, მიწისა და ქონებრივი ურთიერთობების კომიტეტის თავმჯდომარე ს.ა. გავრილოვი.

პარაკლისის დასრულების შემდეგ ფილიპოპოლის მიტროპოლიტმა ნიფონმა მიტროპოლიტ ანტონის და ზეიმის ყველა მონაწილეს სიტყვით მიმართა. მისმა მაღალყოვლადუსამღვდელოესობამ დამსწრეებს გადასცა ანტიოქიის პატრიარქის, უნეტარესი იოანე X-ის საუკეთესო სურვილები და ასევე სთხოვა სსკგ-ის

თავმჯდომარეს, გადაეცა გულწრფელი მადლიერების სიტყვები მოსკოვისა და სრულიად რუსეთის უწმინდეს პატრიარქ კირილესთვის, მის მიერ მოსკოვში ანტიოქიის ეკლესიის წარმომადგენლობისადმი გამოჩენილი მამობრივი ყურადღებისთვის.

მიტროპოლიტ ნიფონტის თქმით, რუსეთისა და ანტიოქიის მართლმადიდებელი ეკლესიები საუკუნეების განმავლობაში ერთად იზიარებდნენ სიხარულსა და მწუხარებას და დღესაც აგრძელებენ ამას, რითაც ავლენენ რწმენაში ერთობას და ხალხებს შორის სიყვარულს.

ერთობლივი ლოცვის სამახსოვროდ მიტროპოლიტმა ნიფონტმა მიტროპოლიტ ანტონის და ანტიოქიის ეკლესიის იერარქებს წმინდა პანაღიები გადასცა.

ვოლოკოლამსკის მიტროპოლიტმა ანტონიმ ზეიმის მონაწილეებს მოსკოვისა და სრულიად რუსეთის უწმინდეს პატრიარქ კირილესგან მისალმება და კურთხევა გადასცა.

სსკგ-ის თავმჯდომარემ ხაზი გაუსვა ანტიოქიის მართლმადიდებელი ეკლესიის მოსკოვის მეტოქიონის განსაკუთრებულ მნიშვნელობას ორ საპატრიარქოს შორის კავშირების განმტკიცების საქმეში.

სსკგ-ის თავმჯდომარემ მეუფე ნიფონს მადლიერება და პატივისცემა გამოუცხადა უწმინდეს პატრიარქ კირილეს სახელით, მისი მრავალწლიანი ნაყოფიერი მსახურებისათვის ანტიოქიის საპატრიარქოს წარმომადგენლის რანგში.

მიტროპოლიტმა ანტონიმ მეუფე ნიფონს მტკიცე ჯანმრთელობა, ძაღები და ღვთის შეწევნა უსურვა ქრისტეს ეკლესიისთვის მსახურებაში. მათი ერთობლივი ღვთისმსახურების სამახსოვროდ მან ფილიპოპოლის მიტროპოლიტ ნიფონს წმინდა პანაღია გადასცა.

მეუფე ანტონი ასევე მიესალმა და დღესასწაული მიულოცა ანტიოქიის მართლმადიდებელი ეკლესიის იერარქებს – ლიბანის მთების მიტროპოლიტ სილუანეს და ზაჰლესა და ბაალბექის მიტროპოლიტ ანტონის.

ღვთისმსახურების დასრულების შემდეგ ანტიოქიის მართლმადიდებელი ეკლესიის მეტოქიონში სადღესასწაულო მიღება გაიმართა, რომელსაც სხვა პირებთან ერთად ესწრებოდნენ მოსკოვში აკრედიტებული დიპლომატიური მისიების წარმომადგენლები.